

Na osnovu člana 154. Zakona o zdravstvenoj zaštiti („Službene novine Federacije BiH“ br. 46/10 i 75/13), a u skladu sa Pravilnikom o specijalizacijama i subspecijalizacijama zdravstvenih radnika i zdravstvenih saradnika („Službene novine Federacije BiH“ br. 75/20 i 99/21), članom 5. Pravilnika o kriterijima za prijem specijalizanata („Službene novine Federacije BiH“ br. 102/13, 55/14 i 99/19), Pravilnikom o stručnom obrazovanju i usavršavanju u JU Dom zdravlja Kantona Sarajevo broj: 01-01-695-126/21 od 14.06.2021. godine i Odlukom generalnog direktora o raspisivanju javnog konkursa za izbor i prijem kandidata za dodjelu specijalizacija broj: 01-03-30-16-2050/25 od 03.04.2025. godine, Javna ustanova Dom zdravlja Kantona Sarajevo, objavljuje

KONKURS BROJ 1 ZA IZBOR I PRIJEM KANDIDATA NA SPECIJALIZACIJU

1. Porodična medicina – 28 (dvadesetosam) specijalizacija

Kandidati treba da ispunjavaju sljedeće opšte zakonske uslove:

- visoka stručna sprema – Medicinski fakultet
- položen stručni ispit
- važeće odobrenje za samostalan rad – licencu izdatu od strane nadležne komore
- radno iskustvo od najmanje godinu dana od položenog stručnog ispita
- poznavanje jednog stranog jezika

Kandidati su dužni dostaviti sljedeće dokaze:

- svojeručno potpisanu prijavu na javni konkurs,
- biografiju sa adresom i kontakt podacima,
- uvjerenje o državljanstvu,
- diplomu o završenom fakultetu,
- uvjerenje o položenom stručnom ispitu,
- uvjerenje poslodavca o radnom iskustvu,
- odobrenje za samostalan rad – licenca,
- dokaz o poznavanju jednog stranog jezika – kao dokaz o poznavanju stranog jezika kandidati dostavljaju uvjerenje/certifikat škola ili drugih institucija koje se bave obučavanjem znanja stranih jezika (ocjene iz osnovne i/ili srednje škole, kao niti ocjene sa fakulteta se neće smatrati dokazom o poznavanju stranog jezika).

Radi utvrđivanja redoslijeda kandidata u skladu sa Pravilnikom o stručnom obrazovanju i usavršavanju u JU Dom zdravlja Kantona Sarajevo, kandidati su dužni dostaviti i sljedeće dokaze:

- dokaz o dužini trajanja studija – potvrda/uvjerenje fakulteta (ukoliko je dužina studija iz opravdanih razloga produžena, dostaviti dokaz),
- uvjerenje o prosječnoj ocjeni studija,
- dokaz o ostvarenim nagradama za vrijeme studija – nagrada rektora Univerziteta ili nagrada dekana fakulteta,
- potvrdu/uvjerenje o radnom stažu nakon ispunjenja uvjeta za specijalizaciju, za svaku navršenu godinu rada.

Kandidati koji apliciraju za dodjelu specijalizacije, ukoliko su završili program dodatne edukacije iz porodične medicine, dužni su pored gore navedene dokumentacije, dostaviti i dokaz o završenoj edukaciji iz porodične medicine (PAT), u cilju skraćivanja dužine trajanja specijalizacije.

Kandidati su dužni uz prijavu priložiti originalne dokumente ili ovjerene fotokopije dokumenata, kao dokaz o ispunjavanju uslova, traženih ovim Konkursom. Uvjerenje o državljanstvu ne smije biti starije od 6 mjeseci od dana izdavanja od strane nadležnog organa.

Svi kandidati koji ispunjavaju uslove Konkursa biće bodovani u skladu sa kriterijima iz člana 33. i 34. Pravilnika o stručnom obrazovanju i usavršavanju Javne ustanove Dom zdravlja Kantona Sarajevo broj:01-01-695-126/21 od 14.06.2021. godine i sa njima će biti obavljen intervju, a o terminu održavanja intervjua kandidati će biti blagovremeno obaviješteni.

Prijave sa traženim dokumentima, kao dokazom, dostavljaju se lično ili preporučeno putem pošte u zatvorenoj koverti na protokol ustanove na adresu:

JAVNA USTANOVA DOM ZDRAVLJA KANTONA SARAJEVO

Ul. Vrazova br. 11

71 000 Sarajevo

Bosna i Hercegovina

Sa naznakom: „Konkurs broj 1 za izbor i prijem kandidata za dodjelu specijalizacija“

- NE OTVARAJ -

Konkurs ostaje **otvoren 15 (petnaest) dana od dana objavljivanja u dnevnim novinama i na web stranici ustanove.**

Nepotpune, neblagovremene i nepotpisane prijave neće se razmatrati, a Javna ustanova Dom zdravlja Kantona Sarajevo nije u obavezi vraćanja dokumentacije koja se prilaže uz prijavu.

**Javna ustanova Dom zdravlja
Kantona Sarajevo**